

uszgericht 15 ß gr, dy denne von Martan weyn Horelman tochter bey eyn rath eyngeleit sint. Davor hat Paul Horelman vor^{a)} eynem rath czu phande eyngesaczt synen agkir czu der Plauwnicz^{b)} und synen teich obendig der spitalfelde in Mergintaler grunde gelegen. Wenne Martha czu irin mundigen jaren komet und eynen vormunden gewynnet, daz sy sulch gelt der jungin widir uszrichten und beczalen wollen, ab sy des nicht teten, daz sich Martha sulches geldis an den phanden vor ydirmenlichen irholen sal. Auch hat Nickel und Jeronimus Horelman keyn irin erben und gutern gereth und globit, uff ire gebure Paul Horelman an vorphanden des agkirs und teichis schadinlosz czu halden an allen eynttrag und argelist.

a) über die Zeile geschrieben, ersetzt durchgestrichen bey b) folgt durchgestrichen gelegen

997.

ohne Datierung

Jorg Ziegelstreicher bekennt eine Schuld und verpfändet sein Haus.

fol. 185r Jorg Czgilstreichir hat bekanth, daz er an kauffe seyhs huszis schuldig sey ^{(a)Michil Walthir^{a)}} 8 nuwe ß 15 heller gr, daz er gereth hat uszczurichten uff weinachten schirstin komende und sulche schuld mit seyn husze ^{(b)om} abgekaufft^{b)} vorphant, ab er nicht beczalung tete, daz er sich sulcher schuld vor yrdimenlichen doran irholen sal.

a-a) am linken Rand, Einfügestelle gekennzeichnet b-b) über die Zeile geschrieben

998.

(1454) September 8

Ludewig Schlosser aus Plauen bekennt eine Schuld.

fol. 185r Ludewig Sloscher von Plauwen hat bekanth, daz er schuldig sey Mertin Sporrer 3 nuwe ß gr, daz er gereth hat czu beczalen 2 ß uff Martini nest komende und 1 ß uff weinachten nest dornach. Uff welche tagzeit er sumig wurde, so hat der genante Ludewig gekort, daz er dy hulffe czu allin synen gutern dulden von ðn adder synen mechtiger in allirmasz, ab es irstanden und irclait wer. Actum dominica nativatis Marie.

999.

ohne Datierung

Klärung des Erbes von Hans Kretzschmar.

fol. 185v Item wiszit daz eyn anslag geschen ist und eyn kauff umbe dy gelaszin guttir, dy Hans Kreczschmar gelaszen hat, dem Got gnade. Der kauff ist